

**Vom Anfang**  
vnd Ursprung der heiligen  
Gesellschafft Jesu / Gründelis  
cher warhafftiger Bericht / inn  
Lateinischer Sprach durch ein  
fürtreffliche glaubwürdi-  
ge Person gestellet /  
Verteutscht  
durch

*M. Stephanum Agricola  
Augustanum.*

Anno Dñi M. D. LX.

\*

BX

3702

A2

W5315

1560

Dem Bestren=  
gen vnd Ernuesten Mar=  
co Welfern/Burgern zu  
Augsburg/meinem  
großgünstigen  
Herrn.

**G**ottes gnad  
durch Chri Istum/  
samt meinen williz  
den diensten zuorn.

Gestrenger / Ernuester / großgün=  
stiger Herr. Es haben jr vil/güter  
vnd böser mainung / offtmals von  
mir bericht begert/was es für ein ge=  
stalt hette vmb den newen orden/so  
man die Gesellschaft Jesu nennet/  
sonderlich/nachdem Gott der All=  
mächtig/ auß sondern gnaden/den  
A ij Ehrs



•  
Ehrwürdigen / Hochgelerten / Für-  
trefflichen Mann / Herrn Doctorem  
Petrum Canisium / sollicher Gesell-  
schafft in Teurscher Nation obris-  
sten Probst / vnserm lieben Vatter-  
land der löblichen statt Augspurg/  
zum Prediger verlihen. Denen  
hab ich / sonil mir danon / auß ge-  
meltes Herrn Doctors / vnd andern  
derselben Gesellschaft / oder denen/  
welchen derselben gelegenheit be-  
kannt / vormeldung / bewußt / ange-  
zeigt. Vnd haben alle gütherzigen  
vnd rechtschaffne Catholische Chri-  
sten / mit grosser verwunderung ein  
wolgefallen daran gehabt / vnnnd  
Gottes wunderbarliche würckung  
darinnen erkannt / vnnnd ihm dafür  
gedanckt. Die andern / so gern et-  
was darinnen / das sie thadeln köns-  
ten / vnnnd dardurch zu calumnieren  
vsach haben / gesucht / doch nichts  
finden können / dann daß sie ein ab-  
scheuen

scheuhen für dem namen getragen/  
Welches aber niemandt wunder  
nimpt/welcher derselben leut art vñ  
eigenschafft waist/nemlich daß sie/  
wo sie kein vrsach haben/eine doch  
vom zaun/wie man sagt/zubrechen  
pflegen.: Dañ hette dise gesellschaft  
ein namen jrgent von einem men-  
schen / vñnd stünde in nachfolgung  
desselben lebens/wie andere Orden/  
so schryen sie: Was ist das: Warum  
nennet man sich nach Menschen:  
Warum folget man nit lieber Chri-  
sti dann eines menschen exempel:  
Warumb nennet man sich nit von  
Christo: Wie sie dann für langst von  
allen andern Orden gethan. Nu  
aber dise Gesellschaft inn nachfol-  
gung Christi / souil menschlicher  
schwachheit möglich / stehet / vñnd  
von demselbē auch den namen hat/  
So ist es ihnen gleichwol nit recht.  
Derhalben sich derselben Calumni-

en billich niemandt/der verstendig/  
vnd eines auffrichtigen Christlichen  
gemüts ist/bewögen leßt. Es haben  
aber etliche gütherzigen an mich be  
gert/das ich den anfang vnnnd ur  
sprung solcher Gesellschaft ihnen  
schriftlich stellen vnnnd mitthailen  
wolt. Dieweil aber dasselbig zu  
uorn durch ein fürtreffliche person  
in Lateinischer sprach geschehen/  
hab ich dasselbig den gemelten güts  
herzigen zugefallen inns Teutsch  
gebracht/vnd L. G. derhalben zu  
schreiben wöllen/nachdem dieselbig  
zu diser heiligen Gesellschaft ein  
sonderlich gefallen tragen/vnnnd di  
ser Narration/dieweil sie lange zeit  
in Hispania gweßt/derselbē glaub  
würdigs zeugtnuß geben können.  
Daneben auch etlicher massen mein  
genaigt gemüt anzuzeigen / für die  
wolthaten/so ich sampt den meinen  
von der löblichen Familien der Wel  
ser/



ser / für langst / vnnnd nun auch von  
E. G. empfangen / danckbar zusein /  
gang fleissig bittend / E. G. wollen  
solches gönstighen von mir an-  
nemen / vnd mich / wie bißhero / inen  
lassen befolhen sein. Gott der all-  
mechtig wölle E. G. in warhaffte-  
ger erkantnuß Christi / vnnnd inn ge-  
mainschafft seines Leibs der Catho-  
lischen Christlichen Kirchen zur ewi-  
gen seligkeit / auch in glücklicher zeit-  
licher wolart gnedig erhalten vnd  
beschirmen. Geben zu Kaisersheim /  
den tag Johannis des Tauffers /  
Anno 1560.

E. G.

williger Diener

M. Stephanus Agri-  
cola Augustanus

**D**er erst ansehn-  
ger dieser Gesell-  
schafft / ist gewesen  
D. Ignatius / in Hi-  
spania / vnder den edlẽ völc kern /  
die man etwan Cantabros / jetzt  
Vizcain neñet / von edlem stam-  
men deren so man bey vns Frey-  
herren nennet / des geschlechts  
Loyola genannt / von Christli-  
chen / Gotsföchtigen vñ andech-  
tigen Eltern geboren. Diser hat  
nach ordnung vñd gewonheit  
derselben streitbarn Nation / sich  
erstlich in krieg begeben / vñd ist  
nit lang hernach ein Obrister  
worden / hat sich im krieg dermas-  
en weißlich / mannlich / auffrich-  
tig / Christlich vñd getrewlich  
ge-



gehalten/das sich solches die sei-  
nen zum höchsten verwundert/  
vnd er den feinden ein schrecken/  
Got dem allmechtigen aber/ wie  
die erwölung seines heiligen le-  
bens hernach angezeigt/ ange-  
nem gewesen/ Dann als er eins-  
mals nach eroberung der statt  
Pampilona/welche ein hauptstat  
ist des lands Tarraconia/so jetz  
die Königreich Castilien/Galli-  
cien/Navarren vnd Catelomien  
begreiffst/ein Schloß auffhielte/  
vñ von den feinden den frantzö-  
sen schwerlich verwundet/ der-  
halben auch durch seine Eltern  
abgefordert/vnd in sein Vatter-  
land gebracht wurde/ ist es auf  
sonderlicher fürsehung Gottes  
geschehen/das ihm/nachdem er

A v ein

ein ganzes Jar vnd noch lenger/  
bis er gehailt vnd sein gesundt-  
heit volkömlich wider erlangt/  
alda verharren müssen/ die Le-  
genden der Heiligen in die hende  
kommen/welche er gelesen/vnnd  
auf solchem lesen alßbald eine  
ernste rew vber das gefehrlich  
vnd leichtfertig leben/ so er/ wie  
laider gebreuchlich/im krieg vnd  
zuuorn geführt / bekommen/ der-  
halben im ernstlich fürgenom-  
men/ furthhin ein strenges leben  
zuführen. Stellet sich derhalben/  
als wolt er zum Herzogen zu  
Nagera ziehen/zoge aber zu dem  
von vilen Mirackeln hochbe-  
rümpften Tempel / welcher zur  
ehr der allerheiligsten Jungf-  
rawen Marie/ der mütter Got-  
tes/

tes / auff dem berg Serrato ge-  
nannt/erbawen. Als jm nu im  
widerkören one gefehr ein Bet-  
ler in zerrisnen klaidern auf dem  
weg begegnet / hat er ihm seine  
köstliche klaiden / von sammat  
vnd seyden/für dieselben geben/  
vnd in einer hôle am vfer eines  
wassers/so durch das feld Man-  
resanum fleusset/ gelegē/ ein zeit-  
lang ein Einsidels leben geführt/  
Von dañen ist er hernach in 8 ge-  
stalt eines armen Bilgern vñ bet-  
lers zum heiligen Land gezogen/  
alda hatte er jm wol fürgenom-  
men/die vbrige zeit seines lebens  
zūzubringē. Aber Got hat jm wū-  
derbarlich widerumb eingegebē/  
in Occident zuziehē/ derhalbē er  
Sirien verlassen/ vñ widerumb  
in



in Hispanien erstlich gen Com-  
plut / hernach gen Salmantica  
kommen. Als er nu an baiden ort-  
ten die leut zur Buße vnnnd besse-  
rung des lebens offentlich er-  
manet / ist er zwey mal gefeng-  
lich eingezogen / vnnnd durch die  
Inquisitores der Religion hal-  
ben für gericht examinirt wor-  
den. Es machte aber den Rich-  
tern den argwon / daß er sich /  
noch dermassen ein jünger mēsch /  
in zerrisnen klaidern / mit einem  
sack bedeckt / vngelert / eines büß-  
predigers ampt / one der Bischo-  
fen beuelch anmassete. Als er  
aber von baiden Richtern los ge-  
lassen / ist er gen Paris one zwey-  
fel auß eingebung des Geists  
Gottes kommen / hat sich alda  
nit

nit geschempft / die Grammatica  
vnder den Knaben / als er schier  
dreißig Jar alt / zulerne. Es  
erhielt in aber damals beim stu-  
dirn zum thail ein Matrona auß  
Hispania / zum thail behalff er  
sich mit betteln / damit er dieselbe  
andechtige Matrone mit zusehr  
beschweret / lieff derhalben im  
Sommer inns Hertzogthumb  
Mayland / bey seinen Landts-  
leuten den Hispaniern das almo-  
sen zubitten. In disem armseli-  
gen leben hat er im studirn güter  
künst dermassen fleiß angewandt  
vnd zügenommen / daß er bald in  
denselben zum Magister promo-  
uirt / vnnnd sich des predigens vil  
hitziger vnnnd ernstlicher / dann  
zuuorn angenommen. Als nu  
sehr

sehr vil fromme vnnnd gelehrte  
leut sein vnstrefflichs leben / sein  
kunst vnd innbrünstigkeit höch-  
lichen bewoget / vnnnd darob sich  
verwunderten / seind jr neun ge-  
weßt / auß denselbē / fürtreffliche  
gelerte leut in heiliger Schrifft /  
die sich im leben jm zügeselleten.  
Dieweil aber dieselben alle das  
heilige Land / oder Palestinam  
Siria zusehen ein groß verlangen  
hetten / seind sie mit einander eins  
worden / zugleich dahin zuzie-  
hen / haben derhalben Paris ver-  
lassen / vnnnd seind gen Venedig  
kommen. Als sie aber vmb ent-  
standnen kriegs willen / zwischen  
den Venedigern vnd dem Tür-  
cken / in ihrer reis nit fortrucken  
konten /



Konten / rathschlagten sie vnder  
einander / wie sie fort jr lebē wol-  
ten anstellen / nach demselbigen  
zogen sie gen Rom zu Bapst  
Paulo dem dritten / vnnnd beger-  
ten von jm / daß er ihr hailfames  
fürnehmen bestettigen wolt. Als  
sie solchs erlangt / haben sie jnen  
den Ignatium zum erstē Probst  
oder Obristen der Gesellschaft /  
welche durch Jesum versamlet /  
vnd zu seines Namens ehr ange-  
fangen / wiewol wider seinen  
willen / erkleret / Welche Gesell-  
schafft er weißlich vnd heiliglich  
sechzehen Jar regiret / vnd nach  
der lehr vnd dem leben Jesu / so-  
vil menschlichen kreften / auß des-  
selben gnad möglich / angestellet /  
demselben

demselben auch als einem ansehn-  
ger zügebraucht oder dedicirt/  
vnd nach desselben namen die  
Gesellschaft Jesu nennen wol-  
len. Nachdem nun also sein  
fürnehmen in den beschwerligkei-  
ten der Christlichen Kirchen/  
welcher gleichen in Occident sich  
zuorn niemals zügetragen / al-  
len frommen vnd weisen leuten  
wolgefiel / hat er der welt vnd  
seinem aignen flaisch einen stettig-  
gen kampff vnd krieg angebot-  
ten / vnd des Teufels Tiranneyn  
sich offentlich ansahen zuwider-  
setzen / vnd den seinen gebotten/  
daß sie auch für alle argwoon des  
Geitzes vnd der eytelkeit sich hü-  
ten sollen / alle geistliche ämpter  
( als welche sie vmb sonst em-  
pfangen )

pfangen) vmb sonst auch geben.  
In heiliger Schrifft vnnnd welt-  
lichen künsten one alle belonung  
lehren/ vnd mit den kindern vnd  
einfeltigen Layen/ der Catholi-  
schen Leer halben/ zů aller zeit/  
gleich als wider zů kindern wer-  
den sollen. Er hat jnen auch ge-  
botten vnd fürgeschriben/ daß sie  
kein ansehen haben sollen beson-  
derer Lānder vnd völkter/ son-  
der wohin sie ire Obristen schi-  
cken / beruffen oder abfordern/  
vnd wohin sie in der welt kom-  
men / daß sie an denselben orten  
vmbziehen / vnnserer Seligkeit  
feinden mit dem wort des Geists  
sich widersetzen/ armut lieb ha-  
ben/ kein mühe/ arbeit oder ge-  
fahr fliehen/ den verfolgungē vñ  
B dem



dem Creutz entgegen gehn/ auch  
mit dem tod vnd blütuer gießen/  
do es von nöten/ jr ampt bezeugen  
sollen. Solchs hat er ihnen  
nit allein für geschriben/ sondern  
sie auch dazu dermassen gehalten  
vnd gewehnet/ daß sie zu solchem  
allem für sich selbst allezeit  
genait vnd beraittet.

Mit solchem lehren vnd leben  
hat er vil Fürstē/ Grafen/ Freyherrn/  
vom Adel/ vnd die geleertisten leut /  
schier auß ganzer Europa zu sich  
gezogen / mit welcher hülff er mehr  
dann hunderttausent menschen dem  
Heren Christo vnnnd der Catholischen  
Kirchen/inn so wenig Jahren

ren vnderthenig gemacht/ durch  
sie vil hohe Schülen gestiffet/  
vnd die / so berait durch andere  
auffgerichtet vnnnd gestiffet/re=  
formirt: vil edler/ fürtrefflicher  
Gschlecht oder Familien/ Stet/  
Bistumb vnnnd Länder von er=  
schrocklichen Lastern erlediget/  
vnnnd zü einem rechten/ Christli=  
chen/seligen leben gebracht: ein  
vnzelichen hauffen Ketzzer vnnnd  
irrenden beköret/ vnnnd auff den  
rechten weg bracht: vil tödtliche  
feindschafften vertragen vnnnd  
auffgehoben: die Jugent inn al=  
lerley Sprachen / güten Künz=  
sten / vnnnd einem heiligen leben  
vnderweist: Vnd in summa/den  
Kirchen die besten Prediger/  
B ij den

den versamlungen des Geistlichen vnd Weltlichen Regimenta die weisesten Rathgeben / den Schülen solche leut / die im disputirn nichts dann die warheit suchen / auffserzogen / vnd es bey denselben dahin bracht / daß auß denselben bißher keiner erfunden worden / bey dem einiger verdacht oder argwon were gewesen / daß er auß ehrgeizigkeit / ob wol iren vilen offst hohe Digniteten angeboten / seiner Profession nit nachkommen.

Nachdem er nu solche herzlich heilige sachen außgerichtet / vnd nu als ein dapfferer kempffer vnseres Herren Jesu Christi / seines mühseligen lebens lauff /  
zum



zum ende gebracht/hat er etliche  
wenige tag ein kleines Fieber/  
das auch etliche fürtreffliche  
Erzte kaum erkennen können/  
gefület. Ob aber wol die ge-  
waltigsten Erzt damals zu  
Rom/Torrensius vnnnd Alexanz  
der sagten/er dörsst sich bey diser  
frantckheit keiner gefahr besor-  
gen / fület er doch selbst besser/  
wie es vmb in stünde / sagt der-  
halben / er wurde bald seinen  
Geist auffgeben.

Als nu den 30. Julij/ in der  
nacht / vmb ein vhr / die zwen  
fürtrefflichen Doctores der hei-  
ligen Schrifft / seiner Gesell-  
schafft/D.Pollancus vnd D.Ma-  
dridius mit ihm geessen hatten/

B iij vnd

vnd vermerckt/ daß er nach der  
francckheit gelegenheit / zimlich  
erweise speiß vnnnd tranck zů  
sich genommen / derhalben auch  
keiner gefahr mehr diser francck-  
heit halben besorgten / seind sie  
von ihm schlaffen gangen. Als  
aber die Sonne auffgegangen/  
den letzten Julij/ haben sie in sein  
sensstigtlich mit dem Tod rin-  
gend gefunden/ wie er denn nach  
zweyen stunden von auffgang  
der Sonnen/ seinem Schepffer/  
wie er für langst senlich begert/  
seinen geist auffgeben.

Als man nach seinem tod den  
Leib auffgeschnitten / vnnnd die  
gederm außgenommen/ hat man  
den magen gantz ler vnnnd zůsa-  
men

men geschrumpfft/ in der lebern  
aber drey kleine steinlin funden.  
Die Erzte haben angezeigt / es  
bedeutte solches/ das fasten vnd  
sonderlichen abbruch an Speiß  
vnd Trancß seines vergangnen  
Lebens / vnnnd ein sonderliche  
großmütigkeit/ die in solchen ver  
zerten gedermen vnnnd glidern  
gewesen/ wunderten sich/ wie er  
mit solchem schwachen vnd ge  
brechlichen Leib / mit sollichen  
frewden/ souil vnnnd so grosse ar  
beit hette aufrichten können. Daß  
sich also mit der that erfunden/  
welchs ein fürtrefflicher Mann  
bey seinem leben von jm gesagt/  
daß diser Ignatius nue lange  
zeit nicht auß krasst der Natur/

B. iij. sons



sondern gar scheinbarlich/ wun-  
derbarlicher weise gelebet / Dañ  
ob wol die kräfte der natur nit  
da waren / hat doch Got wun-  
derbarlich gewürckt/ vnd verli-  
hen/ daß er/ diser Vatter/ so lang  
er der Gesellschaft nötig ge-  
weßt/ lebend bliben/ vnd im acker  
des Herrn mit grosser frucht ge-  
arbeit.

Die zeit/ biß man ein steinern  
Grab vnder der erden beraittet/  
haben sein angesicht vil Maler  
zu abconterfeien sich beflissen /  
welches er bey seinem leben auß  
sonderlicher Demüt niemals hat  
leiden noch zugeben wollen.

Vom Jar 1540. an/in wels-  
chem dise Gesellschaft bestet-  
tigt

tigt ist worden/hat er den seinen  
zwelff Prouincien aufgethailt/  
vnnnd mit denen so er dahin ge-  
schickt/gleich als mit einem new-  
enaufschuß eines volcks/so er-  
wo an ein ander ort zuwonnen  
aufgeschickt worden/wie für al-  
ters gebreuchlich / gezieret / als  
nemlich Indien/ Brasilien/ Por-  
tugal/ Granaten/ Castilien/ Ara-  
gonien. Was er für Obriste da-  
hin gesandt/ ist mir vnbekandt.  
Ober Siciliam aber hat er gesetzt  
Hieronymum Domenecum: vber  
Italien hie disseit Rom/ Leine-  
zium: vber Italien jenseit Rom/  
welchs Rom Tiuali vnnnd Nea-  
poli begreiffet/hat er selbst leicht-  
lich regieren können: vber Franck-  
reich hat er Pascasium gesetzt:

B v vber

vber das Belgicum, Oliuerium:  
vber Teutschland/ D. Canisium.

Inn disen Prouincien allen/  
seind bey dises einigen Ignatij  
leben/mehr dann hundert Colle-  
gia diser Gesellschaft auffge-  
richtet worden/welche er alle mit  
grossen lob/vñ auffß weislichst  
regirt hat. In disen zwelfß Pro-  
uincien ist hernach komen Ethi-  
opia / vber welliche Tiburtius  
Quadrus zum Obristen ist gesetzt  
worden. Dises Land hat vierzig  
herzliche Königreich/ in welche  
vom Papst / auß diser Gesell-  
schaft ein Patriarch mit vilen  
Bischoffen vñnd mitgehülffen/  
durch dises Ignatij fleiß vñnd  
rath/seind geschickt worden.


Es




Es wirt dises Ignatij leben/  
zu Rom mit sonderm fleiß be-  
schriben / welchs mit sampt der  
Historien / was durch dise Ge-  
sellschafft in Persia, India vnnnd  
Brasilia außgerichtet / inn kurtz  
wirdt an tag gegeben werden.  
Hierinnen ist nur das fürnemeſt  
auffskürzeſt angezeigt. Gott  
der Allmechtig wöll sein Christ-  
liche Kirch durch dise Gesell-  
schafft / vnnnd sonsten / je lenger je  
mehr erweittern / vnd des Teu-  
fels Reich / vnd seiner glider der  
Ketzer wüten / widerstand thun  
lassen. A M E N.





Bedruckt zu  
Dillingen bey  
Sebaldo Mayer.











BC 876536